

新疆建置志卷二

醴泉宋伯魯芝田撰

溫宿府故阿克蘇回城

北極高四十一度九分距京師偏西三十七度十五分  
夏至晝長六十刻夜長三十六刻冬至晝長三十六刻

夜長六十刻午正日景夏至長三尺一寸九分冬  
至長二丈一尺零九分春秋分長八尺七寸四分

與阿克蘇道同治漢為姑

墨國

西域圖志西域水道記西域圖考皆言阿克蘇者漢溫宿國也又云漢姑墨國在雅  
哈阿克蘇李光庭謂在哈喇裕勒滾徐松云在拜城滴水崖今攷兩漢書西域傳及

兩唐書地理志西域傳等書乃知阿克蘇實漢之姑墨國而溫宿國即烏什也一徵之道里  
漢書西域傳曰姑墨國東通龜茲六百七十里溫宿國西至尉頭三百里東通姑墨二百七  
十里大唐西域記曰龜茲會場西北渡河至阿奢理貳伽藍從此西行六百餘里經小沙磧  
至跋祿迦舊謂姑墨又曰亟墨新唐書西域傳曰自龜茲羸六百里踰小沙磧有跋祿迦小  
國一曰亟墨即漢姑墨國今據西域圖志由庫車自阿克蘇七百里莎車行記以為六百五  
十里又據西域圖志由阿克蘇至烏什二百五十里皆與漢書唐書符合若以溫宿為阿克  
蘇則不免自相矛盾矣一徵之國勢前漢書曰姑墨國戶三千五百口二萬四千五百勝兵  
四千五百人溫宿國戶二千二百口八千四百勝兵千五百人西域記跋祿迦國東西六百  
餘里南北三百餘里國大都城周五六里伽藍數十所僧徒千餘人今案跋祿迦即姑墨國  
雅哈阿克蘇等處皆窮山曠野無人之區姑墨大國不應宅此且東西六百餘里車車阿克

新疆建置志卷二

海棠仙館

蘇之間何能容之且阿克蘇古稱沃壤水道縱橫桑穀滿野若溫宿在阿克蘇其戶口豈反  
出姑墨下耶前書曰姑墨南至於闐馬行十五日於闐今和闐也北史曰疏勒國在姑默西  
默即墨傳寫誤也賈耽四夷路程云撥換城一曰威戎城曰姑墨州下注撥換達於闐及疏  
勒之路五代時大食國伊底里錫亦云由撥換至和闐十四日程由撥換至喀什亦十四日  
程今按以上咸明指阿克蘇達喀什及和闐之路與今日正相符合且路旁時見廢寺古塔  
往往土中獲佛像法博士伯希和自言得佛像幾箱設溫宿在阿克蘇則賈耽何以不計此  
古道而反詳雅哈阿克蘇等處達和闐及喀什今無古無之戈壁道有此理乎一徵之水道  
及方言水經注曰北河又東逕溫宿國南又東逕姑墨國南姑墨川注之姑墨川者今阿克  
蘇河也其水由姑墨西北歷赤沙山東南流逕姑墨國西又東南流右注北波河又東經龜  
茲國南賈耽四夷路程曰姑墨州南臨思渾河李光庭曰思字疑衍又曰今阿克蘇河也西  
北渡撥換河即姑墨川為阿克蘇河上流又云中河距思渾河百二十里至小石城又二十  
里至於闐境之胡蘆河又六十里至大石城一曰於祝曰溫肅州又曰自撥換碎葉西南渡  
渾河百八十里有濟濁館云云伊底理錫亦云撥換城近河此河東流河岸皆耕種饒地今  
案雅哈阿克蘇及哈喇裕勒滾南有橫山塔里木在其南姑墨水決不能入而滴水崖西雖  
有阿爾巴特河亦伏於沙不入大河此為徐君臆斷未可信也賈耽撥換河明為阿克蘇河  
上流胡蘆河自西北來入之始名渾河即阿克蘇河下流胡蘆河即今之托什干河一名托  
拉爾特河以今路校之阿克蘇實在阿克蘇河之東由阿克蘇西渡阿克蘇河上流又渡托  
什干河至烏什由阿克蘇西南渡阿克蘇河下流以達喀什與賈耽方向水道正合回語謂  
沙曰姑阿今多作呼木譯音之轉也元奘謂跋祿迦國印度字彙跋祿迦者亦沙也按唐人  
引新疆地名頗用梵文如阿耆尼俱毗羅之類今阿克蘇河上流尚名呼木阿克蘇河

者回語水渠也渾亦是姑墨呼木之別轉阿克蘇河下流尚有渾巴什莊渾即沙巴什即頭也元史已載之曰渾八升城又可證當日姑墨本因沙得名也一徵之烏什新唐書地理志載河西內屬諸胡州曰烏壘州和墨州温州蔚州遍州耀州寅州緒州拔州達州滿州蒲州順州鄧州及滿州乞乍州媯塞都督府渠黎都督府按此文烏壘渠黎媯塞咸沿漢時古號和墨即姑墨宿府即温宿達滿州寅度州鄧及滿州即賈耽達滿城演渡州鄧支滿城蒲順即蒲類蔚頭即蔚頭皆傳寫之誤賈耽曰自撥換西南渡渾河至據史德城按舊唐書高仙芝傳有握瑟德城握字即掘字傳寫之誤與賈耽據史德合一曰鬱頭州在赤河北岸鬱頭尉頭亦音一而字二赤河即喀什噶爾河亦曰赫色勒河回語赫色勒者赤也即葱嶺北河即水經注之北河故唐尉頭州當在今巴楚州左右今蘇木塔什有破城疑即尉頭遺址西域圖志乃以烏什當之夫烏什安能在喀什噶爾河上乎又大唐西域記賈耽四路程杜環經行記皆詳述阿克蘇及烏什踰拔達嶺以達熱海之道按拔達嶺一曰勃達嶺即今之畢底爾嶺漢西域圖考以為木素爾嶺此大誤又熱海或曰鹹海即今特穆爾圖淖爾或曰圖斯庫爾或曰伊錫克庫兒回語庫兒即池圖斯即鹽池伊錫克即熱也設尉頭在烏什豈舍其路不載乃反載喀什之路乎賈耽又云温宿一曰於祝温宿於祝皆烏什譯音之轉今以阿克蘇為温宿烏什為尉頭皆疏於考核耳按此說創自法人伯希和伯氏躬歷其境故考核較詳今刪其蕪雜補其疏漏數百年沿誤不啻撥雲見日故舍舊說從之

常服

屬龜茲永平中漢使班超屯疏勒龜茲王建數與姑墨攻疏勒章帝初超發疏勒康居于寘拘彌兵攻姑墨石城破之而

新疆建置志卷三

一一

海棠仙館

和帝時姑墨温肅隨龜茲降漢西域始平自魏至元魏皆役

屬龜茲其後卒為龜茲所併唐太宗時

貞觀十一年

阿史那社爾討

龜茲王王走撥換城撥換即姑墨

按中宗景龍二年突騎施婆葛叛以五千人出安西五千出撥換都護牛元獎死焉故唐常以重兵屯拓厥闕宋歐陽忞輿地廣記拓厥闕在昆河水上有鐵騎五千戍之其西五十里為白馬渡路通瀚海軍白山南有銅鐵廠為冶鑄之所關城兩山壁立中峽深數百丈水流其中日夜有聲人行北山巔俯視魄悸過大龍峪千佛洞踰嶺至突騎施沙雁州西至撥換城關距安西百里按古安西府在今庫車城南百四十里唐平龜

茲以姑墨為姑墨州隸安西都護府其北為跋祿迦小國漢

姑墨舊國也宋南渡後屬西遼元太祖時為別失八里地以

封宗王阿只吉

按明史西域傳別失八里西域大國也南接于闐北連瓦剌西抵撒馬兒罕東抵火州或曰焉耆或曰龜茲元世祖時設宣尉司尋改元帥府其後以諸王鎮之元史譯文證補元別失八里有二一在高麗北陶宗儀輟耕錄高麗以北名別失八里譯言連五城也罪令流奴而干者必經此其地極寒海自八月即冰明年四五月方解人行其上如平地征東行省每歲委官至奴而干給散囚糧須用站車每車以四狗挽之按元史遼陽省有狗站即此回語五為別失城為八里輟耕錄之不說謬一

在今之烏魯木齊元為北庭都護府金有回鶻五城故名別失八里與輟耕錄義同元初屬畏吾兒耶律楚材西遊錄金山南有回鶻城名別石把邱長春西遊記西至鼈思馬力大城回紇王部族勸葡萄酒海都亂後高昌失地遂屬察合台後王朔方備乘合丹傳謂憲宗遷合丹於別失八里即今之哈喇沙爾何所據而言不得其解按別失八里與別石把一曰鼈思馬力在西域自是兩地而高麗不與焉一在天山北一在天山南也西遊錄金山南有回鶻城名別石把有唐碑所謂瀚海軍也城南五百里有和州即唐之高昌西遊記鼈思馬力大城回紇王部族勸葡萄酒列伎樂皆中州人侍坐者有僧道儒曰此大唐北庭端府也云云按西遊錄之金山即今之阿勒台山其曰城南五百里為高昌者蓋元之別石把即唐之北庭都護府今之迪化府東北境也迪化去高昌不遠高昌用葡萄酒釀酒故文獻通攷曰高昌國多葡萄酒唐太宗破高昌得其釀法故鼈思馬力亦得有葡萄酒釀酒故文獻通攷曰高聲自此屬天山北之別石把與天山南之別失八里無涉譯文證補疑朔方備乘誤在合兩地而一之也按明史西域傳別失八里有焉耆龜茲之稱喀喇沙爾為古焉耆國故何氏云爾辛卯侍行記謂別石把回鶻城在天山北別失八里元帥府則在天山南之喀喇沙爾二地同名斯得之矣至引歐陽元高昌契氏家傳云北庭者今之別失八里城則又似傳寫之誤而不必強明永樂中其酋歪思西遷其地遂為回部與烏什葉為附會者也

**爾羌喀什噶爾號四大回城** 清興其地內屬 乾隆二十三年大兵既克庫車阿克蘇回

**居南疆之中泉甘而氣和形勢便利** 按左宗棠

衆逐逆酋霍集占所置伯克以降初置溫宿州後升為府 其界東至沙雅爾南至和闐西至柯坪北至議開省即有總督駐迪化巡撫駐阿克蘇之議

**溫宿縣皆其屬也** 東西三百九十里南北六百六十里 凡三鄉有莊十二曰曲垣 城東十里

曰柯柯巴什 城東六十里 曰麻帕下 城東七十里 曰哈拉塔 城東百四十里 曰賽里木

城西四 城西八十里 曰阿音柯 城西八十里 曰薩依里克 城西一百里 曰渾巴什 城南七十里 曰伯

什勒克 城南八十里 曰阿瓦提 城南百六十里 曰玉琢滿 城南百 曰羊瓦里克 城南百九

十里按西域圖志阿克蘇屬地三十九曰雅哈阿里克城東二百八十里為最東界新疆識略作銅廠雅哈里克曰哈喇裕勒袞城東一百八十里曰札木城東一百里曰赫色勒城東九十里阿克蘇郭勒北二十里曰哈爾噶額密什城北二十里北距木素爾鄂拉六十里曰帕爾滿城東五十里阿克蘇郭勒北二十里一統志作帕爾漢新疆志略作帕爾漫曰雅爾巴什城東六十里阿克蘇郭勒北二十里曰齊托克喇克城東南百四十里阿克蘇郭勒北二十里曰亮格爾城東北百六十里地居山谷間曰雅爾賽喇木城東南百六十里地居山谷間一統志無新疆識略作雅爾賽里木城西二十五里至四十里不等當別是一處曰伊勒噶齊城東北六十里地居山谷間額格爾齊城南十里阿克蘇郭勒北十里曰喀勒喀勒城東南七十里阿克蘇郭勒南五里一統志作喀勒喀克曰科布魯克城東南八十里托什干達里雅北十里曰庫本巴什城東南九十里托什干達里雅北十五里新疆識略作渾巴

什曰伯什阿里克城東南一百十里托什干達里雅北二十里新疆識略作伯什愛里克曰和卓巴斯喀什城東南百二十里阿克蘇郭勒南十里曰呼木什阿里克城東南百五十里托什干達里雅北二十里曰哈喇塔勒城東南二百里托什干達里雅北五十里新疆識略作哈喇塔爾曰烏珠瑪城東南百八十里托什干達里雅西南五里一統志作烏珠木曰托來城東南百六十里托什干達里雅南五里一統志無曰英額阿里克城東南百五十里托什干達里雅西南十里一統志無新疆識略作洋阿里克曰賽阿里克城東南一百十里托什干達里雅南五里一統志無曰哈喇木克齊城西南四十里踰兩河而至一統志無曰薩克薩克城西南八十里托什干達里雅南三里一統志無曰托布坎城西十里介居兩河之間一統志無曰得布特爾城西四十里托什干達里雅北十里一統志無曰鄂喇齊城西六十里托什干達里雅北十里一統志無曰阿喇勒城西六十里介兩河之間一統志無新疆識略作阿喇爾距城四十里至一百二十里不等曰愛呼爾城西五十里東傍呼木阿里克郭勒一統志無曰超達爾城西北六十里踰呼木阿里克郭勒而至曰韋特爾城東北八十里呼木阿里克郭勒南十里一統志無曰察克喇克城西七十里托什干達里雅東北八十里一統志無曰吐爾伯特城西八十里托什干達里雅北十里一統志無曰拜林城西一百里托什干達里雅北八里一統志無曰阿克雅爾城西南一百十里托什干達里雅南十里一統志無新疆識略作阿哈雅爾距城一百三十里至一百六十里不等曰伯列克里克城西南二百里西境倚山一統志無曰納喇奇恰特城西南二百四十里南臨大山一統志無曰哲爾格哲克在阿克雅爾西五十里一統志無○一統志阿克蘇屬地二十一較西域圖志省十八新疆識略阿克蘇所屬回莊二十二在城東者八曰哈爾哈密什距城五里至三十里不等曰依列克距城二十里至四十里不等曰帕爾曼距城四十里至七十里不

新疆建置志卷二

四

海棠仙館

等曰黑子爾距城七十里至一百里不等曰銅廠雅哈里克距城二百六十里曰溫巴什距城三百二十里曰諾依古特距城二百九十里至三百五十里不等係布魯特曰雅爾幹距城三百里係燕齊回子在城南者九曰渾巴什距城六十里至一百六十里不等曰愛柯爾距城百二十里至百三十里不等曰伯什愛里克距城七十里至百六十里不等曰薩雅里克距城百三十五里曰洋阿里克距城百四十里至百七十里不等曰哈喇塔爾距城百六十里至二百里不等曰伯斯圖距城百八十九里不等曰柯爾昂距城百四十里至三百六十里不等今置柯坪縣丞曰亢齊距城百三十里在城西者三曰雅爾塞里木距城二十五里至四十里不等曰阿拉爾距城四十里至百二十里不等曰阿哈雅爾距城百三十里至一百六十里不等在城北者二曰達巴罕齊距城二百八十里至三百二十里不等曰鐵廠距城二百三四十里不等

**爲地著**

九萬七千人纏俗大小皆祝髮女子辮髮垂後綴以珊瑚瑟瑟首覆巾自項背至地男服圓襟袂袂其前類歐西履皆以革詳見禮俗志

其人

劭於農秉耒者二萬餘戶稻米之肥甲於諸部其西南百

**十里爲柯坪柯坪故柯爾坪回莊**

北極出地四十度距京師偏西三十八度舊隸溫宿州其後溫宿升

爲府析阿磻齊蘭台等處隸柯坪別置縣丞

其界東至溫宿南至巴楚州西至布魯特北

**至烏什皆其屬也**

東西一百六十里南北三百七十里

統回莊十二曰哈拉去

城東南里數闕

曰拖末城東 曰王玉奇城東 曰阿拉馬城東 曰雙拉拉城東 曰枯木勒城東

城東北以上 曰蓋卽城西 曰拔筭城西 曰枯木洛城西 曰卡協勒城西

曰巴格勒城西 曰卡拉馬城西南以上 曰阿磧城東一 曰齊蘭台城東

八十 地產小麥青顆杏棗瓜栲其民多力農圃務藪牧與溫

宿同俗府治北三十里為溫宿縣其界東至拜城鄉土志城東二

和拉旦即鹽水溝拜城界 南至府城城南二十里有村曰下庫隴曰毛陸拉者 西

至烏什城西一百十里有卡曰唐雅阿奇者烏什界也所過多沃 北至伊犁城北

二十里有地曰噶克察哈爾者伊犁界也多達坂高岡峻嶺四時積雪不消林 皆其屬

也東西若干里 轄大回莊九曰依拉克城東九 曰伴爾滿城東八 曰

黑子爾城東一 曰阿吉里克城東一百 曰哈哈密什城南四 曰鵝斯

堂不一城南一百 曰雅賑嶺城南七 曰阿拉城西一百 曰賽立木城北

里二十里 城東一百六十里有地曰哈喇玉爾滾即東漢姑墨國地

唐之跋祿迦國也按姑墨魏書作姑默唐書自龜茲贏六百里逾小沙磧有跋祿

六里是也以今道里攷之其國都尚在今哈喇玉爾 回城殷富有市列纏民

九萬餘牛羊馬之革西輸俄羅斯鄉土志光緒三十二年牛皮五千三百

羊毳西南貿英吉利三十二年六 染氈旄旛東賈迪化三十二年三

而俄商自其國運藻布及纏民所服用磁鬃雜器一歲所獲

常倍其直南疆一大市場也玉爾滾出銅城北出鹽鐵出煤

其鹽甚潔白故取之者衆郡王哈的爾者纏族也其先霍集

斯以擒達瓦齊有功復從征西四城累封至貝勒加郡王銜

四傳至邁瑪第敏無嗣光緒中始物色系出邁瑪第敏之哈

的爾者襲焉今所稱回王者也其東二百里至拜城拜城故

拜賽喇木 北極高四十一度四十一分距京師偏西三十五度十二分夏至晝長六十分午正日景夏至長三尺二寸九分冬至長二丈一尺六寸一分春秋分長八尺九寸 漢為姑墨國地 按鄉土志以拜城為姑墨烏壘兩國地姑墨說

溫宿東至都護治所二千三百八十里安得以拜城當之 唐為阿悉言城其東

百里有城唐之俱毗羅城也 按西域圖志拜城作拜俱毗羅作賽里木 後并於龜茲清

乾隆中內屬 初乾隆中全疆底定設伯克以下官凡四百餘而拜賽兩城屬於阿克蘇辦事大臣光緒初回疆大定乃罷辦事及伯克尋併兩城為縣屬溫

宿 其界東至達坂巴 居南至庫車西至溫宿北至鬧胡特莊

此處與溫宿接是為冰山之麓 皆其屬也 東西六百七十里 南北一百七十里 有莊二十一東莊八日雅

土拉 城東二十里 日托古遜 城東四里 日濟爾噶朗 城東五里 日布隆 城東六十里

日蜡帕爾 城東八里 日河色爾 城東一百二十里 日明布拉可 城東二百里 日魚

嶽乙卡 城東二百六十里 西莊六日下哈爾 城西三里 日黑米地 城西六十里

村 日大坂齊 城西一百里 日峽河土拉 城西一百五十里 日鬧胡特 城西一百里 日

鵝斯塘不一莊 城西二百里 南莊三日哈喇烏於魯克 城南十五里 日

濟彌克 城南二十里 日溫巴什 城南三十里 北莊四日布隆 城北五里 日呀

色里敏 城北十二里 日伊塔齊 城北三十里 日提雜哈依胡 城北五十里

賽喇木兼轄拜屬莊十有一日赫色勒城東二十五里赫色勒郭勒西五里日布干城西十五里日濟爾噶朗城西二十五里南距哈喇烏蘇支河五里東踰支河二道至其地新疆識略作布幹日他爾阿里克城西三十里南傍哈喇烏蘇支河東踰支河二道至其地日托克

三凡四莊城西四十里東距哈喇烏蘇支河五里東踰支河二道至其處新疆識略作托古遜日布隆城西五十里東傍哈喇烏蘇支河五里東踰支河三道日哈喇都伯城西北二十里南傍哈喇烏蘇支河五里一統志無新疆識略作哈喇多巴日堪齊塔木凡二莊城西北四十里南距哈喇烏蘇支河十里日明哲克得凡二莊城西北十五里日拉布帕爾凡一莊城北十五里日雅哈阿里克凡五莊城西北十里以上屬賽喇木拜在賽喇木西九十里屬

城北十五里日雅哈阿里克凡五莊城西北十里以上屬賽喇木拜在賽喇木西九十里屬

城北十五里日雅哈阿里克凡五莊城西北十里以上屬賽喇木拜在賽喇木西九十里屬

城北十五里日雅哈阿里克凡五莊城西北十里以上屬賽喇木拜在賽喇木西九十里屬

城北十五里日雅哈阿里克凡五莊城西北十里以上屬賽喇木拜在賽喇木西九十里屬

莊十有二曰雅哈阿里克城東南十五里在小哈布薩朗郭勒下流北岸一統志無曰都爾伯勒津凡二莊城東南二十里在木素爾郭勒北岸一統志無曰沙哈爾凡三莊城西二里以上三處在小哈布薩朗郭勒特里舒克郭勒兩河之間曰色勒克恰特城東十五里一統志作色勒特哈特曰吹置城東二十里一統志作吹置曰阿特巴什城東二十五里新疆識略作臥土巴什曰推格博屋城東三十五里東傍哈喇烏蘇郭勒南傍木素爾郭勒一統志無曰奎裕巴克城東三十里南臨木素爾郭勒曰蘇爾滾城東北二十里曰托木碩克凡二莊城東北二十五里一統志作托木什克曰雅爾圖喇城東北三十里曰伊密什城東北四十里曰喀資干凡二莊城東北三十里曰鄂爾塔喀克齊城東北三十里新疆識略作伯里克齊曰阿斯騰海里瑪城東北三十五里一統志無曰塔克齊城東北二十五里其地依山曰玉斯屯海里瑪城北二十里曰英額亮格爾城西南三十五里一統志作英格亮格爾城新疆識略作央屋亮噶爾曰伯里葉克齊城東北四十里一統志無曰什喇勒台城西三十里曰葉伊勒干城西八十里曰庫什塔木城西九十里有小城一統志作庫什塔木以上屬拜城一統志賽喇木拜屬莊二十有七較西域圖志省六 新疆識略賽喇木屬莊九曰河子爾曰卡依爾以上在城東曰蜡帕爾曰提雜哈依胡曰愛里克以上在城北曰托古遜曰濟爾噶朗曰布幹曰哈拉多巴以上在城西拜城屬莊十有八曰元齊克里什曰雅爾坦曰布隆曰塔克齊曰布依哈曰伊塔爾齊曰托幹卜爾屋曰央呢亮噶爾曰臥土巴什曰雅土拉曰散卜丁曰阿拉爾曰烏蘇克延曰伯里克齊以上在城東曰洋阿愛瑪克在城北曰噶哈爾曰哈喇烏子魯克曰楚甲以上在城西按此與西域圖志稱名不同今按賽里木併於拜城縣故其屬並附拜城下

### 地居兩山之間氣候稍寒菽麥果蔬鹽煤僅足自

新疆建置志卷三

七

海棠仙館

給南山崖紫銅歲取數萬斤納官鑄錢錢四百直銀一兩錢

益少而物貴識時者每憂之

按鄉土志境內鑛三處一在溫巴什南山一在滴水南山俗稱滴水崖一在托和且南山向

歸鄉民採取道光時徵糧折銅每糧一斛折銅一斤共折銅一萬六千一百五十斤光緒四年開辦善後清丈地畝添折銅一萬三千八百八十餘斤嗣改為官督民辦每歲繳銅十萬斤近年因出銅不旺民有稟請停辦之議乃另定新章減繳二萬一歲暫準繳銅八萬以示體恤將來暢旺應復舊額 北山出鐵為農器 按鄉土志舊有鐵廠四處一在明布拉克山一在提維哈依胡山一在塔爾齊山一在呀色里敏山向由鄉民自行探取出鐵不旺僅供本地之用鑄農家各項器具 地不

當孔道無富商大賈其民俗與溫宿同溫宿西為烏什

烏什

北極高四十一度六分距京師偏西三十八度二十七分夏至晝長六十刻夜長三十六刻冬至晝長三十六刻夜長六十刻午正日景夏至長三尺一寸八分冬至長二丈一尺零四分春秋分長八尺七寸二分

本漢溫宿國地

謂尉頭者誤說見前

國小常服屬龜茲

漢明帝時班超破姑墨石城於是因龜茲降漢元魏後併於

龜茲唐貞觀中平龜茲以溫宿為溫肅州一日于祝

唐書地理志安西西

出柘厥關渡白馬河即今渭干河下流也 名鄂根河西入俱毗羅積經苦井百一十里至俱毗羅城今賽喇木又六十里至阿悉言城今拜城又六十里至撥換城一日威戎日姑墨州南臨渾河中河距渾河百二十里至小石城漢書班超傳姑墨石城疑即此又六十里至大石城一日于祝日温宿州 隸安西都護府宋

南渡後屬西遼元明為別失八理地清乾隆中二十三年內屬乾隆二十三年

三年將軍兆惠等兵至阿克蘇舊伯克霍集斯及其長子烏什城阿奇木伯克漢咱把爾等詣軍門降遂以城內附三十年伯克賴黑木圖拉等復煽亂伊犁將軍明瑞等討平之逆黨伏誅徙其餘眾移駐阿克蘇大臣於此光緒九年置烏什直隸廳與哈喇沙爾庫車阿克蘇為東四城 其界東至阿克蘇南至

巴楚州西至俄邊北至喀克善山皆其屬也 東西五百甲南有界 北二百九十里

碑五 齊恰爾達坂庫噶爾塔別疊里達坂貢古魯克 卡倫十一 城東一口哈拉維 山烏魯山界牌迤南為中國地迤東為俄國地 卡倫城東南 日

孔台卡倫城西南二日巴什雅哈瑪卡倫筆底爾卡倫城西二日卡爾布拉卡倫日巴拉良卡倫城西北 日沙圖卡倫日伊布拉引卡倫城北一日雅滿蘇卡倫東北四日貢古魯卡倫日噶吉爾卡倫日卑德 東至阿克蘇道治所二百四十里有莊二里卡倫日英阿拉卡倫

十七東莊八日牙娃克 城東里 日托克遜 西域圖志作托克三城東一百四十里東南皆大山 日

新疆建置志卷三 八 海棠仙館

洋海 西域圖志作洋赫城東北七十里 日布漢 西域圖志作布干城東北百六十里居兩河間 日皮川 西域圖志作皮川城

圖志作關展城東百一 日勒明清 城東 日哈喇河洲 西域圖志作哈喇和卓城東七十里四而距河 日

十里踰河二道至其地 阿河雅爾 西域圖志作雅爾城東百五十里兩河之間 南莊七日伯什鐵勒克 城南 日湖尾

八克 城南 日伯什克什木 城南 日哈哈吐魯 城南 日洋薩爾 城南

日買立子 城南 日克克其達 城南 西莊六日駱駝巴什 城西 日巴

什雅哈瑪 城西南九十里 日雅滿蘇 城西 日吉格大里克 城西 日阿黑托

哈乙 城西 日蘇克提 城西 北莊六日和闐 城北 日苦屈 城北 日賽

里坤 城北 日啓農 城北 日馬廠 城北 日八吉馬克 城北 按西域圖志烏什屬地十有八日哈喇

和卓城東七十里踰河至其地四面距河各二十餘里日關展城東一百十里踰河二道至其地亦四日距河日森屋木城東南八十里踰河至其地南臨大山日魯克察克城東南一百十里南臨大山日托克三城東南百四十里東南面山日雅爾城東百五十里地居兩河之間日洋赫城東百七十五里日布干城東北百六十里踰河而至居兩河間日罕都城東



北百三十里踰河而至居兩河間曰連木齊木城東北二十里居兩河間曰雅木什在連木齊木北三十里踰河二道至其地有山泉南流經雅木什南入於敖爾他克齊謬斯騰曰英額阿里克城東北踰敖爾他克齊謬斯騰至其地東北通伊犁曰必特克里克城北踰敖爾他克齊謬斯騰至其地東北通伊犁曰古古爾魯克城北踰敖爾他克齊謬斯騰至其地西北踰嶺接伊犁界曰沙圖城西北踰敖爾他克齊謬斯騰至其地西北由必達爾通布魯特界曰巴什雅克瑪城西南九十里踰托什干達里雅至其地曰古木克齊克城西南一百十里曰色帕爾拜城西南四十里西南通喀什噶爾以上屬烏什曰呼蘭齊克曰札木必勒阿斯提曰齋都伯曰素衰曰巴爾昌以上五處皆為烏什西南境外地 一統志屬地二十二境外地在內而省去 札木必勒阿斯提一處 初烏什纏民逾萬戶賴黑木圖拉之亂薙

獮子遺旋徙喀什噶爾英吉沙爾阿克蘇葉爾羌和闐等處回民實之而布魯特兩部之在沙圖巴什雅哈瑪兩卡倫外者其族尚蕃多每歲暮春驅牛羊驢馬奸蘭菹澤卓帳以居至秋末乃歸漢民漢回安集延合之亦千數白人然漢回多置田產長子孫餘皆用末作自給其地南瞻喀什噶爾河西

挾葱嶺因山為城誇重巘帶長流形勢為四城冠物產之饒市廛之盛不逮溫宿然皮毯旃布銅鐵麥穀東賈阿克蘇西

賈喀什噶爾而隣國之中賈洋布毡桂子皮哈薩緞洋糖洋蠟洋瓷之類皆由安集延運入關內之裨

販亦多有至者綢緞海菜藥料紙筆墨茶八柵之日百賙紛陳鬻良雜楛邪

贏之優往往什伯焉

庫車北極高四十一度三十分距京師偏西三十三度三十二分夏至晝長六十刻二分夜長三十五刻十三分冬至晝長三十五刻十三分夜長六十刻二分午正日景夏至長三尺二寸七分冬至長二丈一尺二寸七分春秋分長八尺八寸古龜茲國也哈喇沙爾西八百里

書漢西域傳龜茲王治延城去長安七千四百八十里南與精絕東南與且末西南與打彌北與烏孫西與姑墨接東至都護治所烏壘城三百五十里魏書國在尉犁西北白山之南一百七十里其王白姓延城方五六里其南三百里有大河東流號計式水即黃河也東至焉耆九百里南去于闐一千四百里西至疏勒一千五百里北去突厥牙帳六百餘里東南去瓜州三千里其國西北大山中有如膏者流出成川行數里入地如餅餠甚臭服之髮齒已落者能令更生即今之石油也文獻通攷曰龜茲或稱西州回鶻或稱西州龜茲回鶻

漢通西域始內附初武帝末遣打彌王子賴丹屯輪台賴丹

前質龜茲其貴人姑翼勸王殺賴丹及常惠使烏孫發兵數

其罪遂斬姑翼

漢書西域傳初貳師將軍李廣利擊大宛還過扞彌扞彌遣太子賴丹為質於龜茲廣利青龜茲曰外國皆並屬於漢龜茲何以得

受打彌質即將賴丹入至京師昭帝乃用桑宏羊前請以打彌太子賴丹為校尉將軍田輪台輪台與渠犂地皆相連也龜茲貴人姑翼謂其王曰賴丹本並屬吾國今佩漢印綬來迫吾國而田必為害王即殺賴丹而上書謝漢漢未能征宣帝時長羅侯常惠使烏孫還便宜發諸兵合五萬人攻龜茲責以前殺校尉賴丹龜茲王謝曰乃我先王時為貴人姑翼所誤我無罪執姑翼詣惠惠斬之時龜茲王絳賓娶烏孫公主女自喜得尚漢外孫

及與公主女入朝皆得賜印綬夫人號稱公主絳賓死子丞

德嗣成帝哀帝時往來尤數建武中

二十二年

莎車王賢攻殺龜

茲王而以子則羅王其地又分龜茲為烏壘國而王其貴人

駟鞬其後國人共殺則羅駟鞬而求王於匈奴匈奴立貴人

身毒為王自是屬匈奴明帝中龜茲王建方強攻殺疏勒王

成以其左侯兜題為王及班超使西域乃劫殺兜題而立成

兄子忠無何龜茲降以白霸為龜茲王白氏之王龜茲自此

始也

班超傳龜茲王建為匈奴所立倚恃虜城據有北道攻破疏勒永元三年龜茲降以白霸為都護拜白霸為龜茲王遣司馬姚光送之超與光共脅龜茲廢其王尤多利還京

師超居龜茲它乾城六年超發龜茲兵討焉耆延光三年班勇至樓蘭龜茲王白英自疑未下勇開以恩信英乃率姑墨温宿王白縛詣勇降晉太康中為

焉耆所併後復立

武帝太康中龜茲遣子入侍惠帝朝王白山為焉耆王龍會乘勢所滅據其國以人羅空殺龍會國復立永嘉之末貢於張軌

東晉時臣於呂光魏太武時寇邊萬度歸討破之歷梁周隋

皆入貢唐太宗朝來獻馬復以其助焉耆命將討破之

唐書西域傳高

祖受禪王白蘇伐勃駃來貢會死子蘇伐疊立時西突厥射匱可汗拜庭於龜茲北之三彌山亦往屬焉太宗貞觀四年獻馬郭孝恪之伐焉耆也王發兵為影援後遂不貢蘇伐疊死弟阿黎布失卑立二十一年兩遣使朝貢然帝怒其佐焉耆叛乃以阿史那社爾為崑邱道行軍大總管將兵十萬討之社爾次磧石去王城二百里先遣伊州刺史韓威以千騎居前

右驍衛將軍曹繼叔次之至多褐與王遇大破之追奔八十里王嬰城社爾將兵圍之王引突騎西走城遂拔社爾凡破五大城男女數萬遣使者諭降小城七百餘西域震懼社爾立王弟葉護王其國勒石紀功始徙安西

都護於其都統于闐疏勒碎葉號四鎮 **以其地為龜茲都護府** 按新唐書貞觀二十年平龜茲置西域傳作二十一年 **高宗時** 顯慶三年按唐書西域傳作貞觀二十一年誤 **移安** 舊唐書作二十二年 蓋徙都護在後也李光庭西域圖攷亦如是說

**西都護府於龜茲統于闐碎葉疏勒號四鎮** 按舊唐書無碎葉有焉者新唐書焉者都督府

下云貞觀十八年滅焉耆置有碎葉城調露元年都護王方翼築四面十二門為屈曲隱伏出沒之狀然則碎葉即焉耆矣賈耽四夷路程自撥換碎葉西南渡渾河即此與葱嶺西之碎葉

川異 **龍朔初吐火羅款塞乃自于闐以西波斯以東十六國**

**悉置都護府督州八縣百二十軍府百二十六皆隸都護號**

**稱極盛儀鳳中** 按地理志於安西下稱咸亨元年 **陷於吐番武后長壽**

**初王孝傑收復四鎮仍於龜茲設都護府中宗時突騎施娑**

**葛與闕啜忠節交惡怨朝廷使弟遮弩以兵五千人出安西**

新疆建置志卷三

十一

海棠仙館

**都護牛師獎死之玄宗朝遣其弟孝義來朝自漢以來皆一**

**姓安史之亂徵兵入援此後更無都護** 按龜茲之見於史者通稱回鶻不知仍白氏之後否也

**宋眞宗時數遣使來貢其王自稱師子王** 大中祥符元年遣進奉使李元慶三年遣李延福天

禧四年王智海遣使者來貢 **南渡後臣屬西遼元明為別失巴里西境城曰苦**

**先** 即庫車之音轉按元史耶律希亮傳云從征至渾八升城世祖自二王所召還由苦先

城至哈喇火州出伊州涉大漠還亦曰苦蓋文正西遊錄云苦蓋城西北五百里有訛打刺城皆是地也後以封阿只吉元之亡也別失八里據天山以南入明為大國或曰焉耆

或曰龜茲太祖時其王黑的兒火者遣千戶哈馬力丁等來朝貢帝喜賜王綵帛使者皆有賜其後數入貢永樂中歪思遷其民於西史國號曰亦力把里其 **清興準噶爾強**

**盛徙其酋而北併有其地乾隆中我師追霍集占拔其城地**

**始內屬** 乾隆二十三年霍集占叛大軍自庫車入六月十六日薄其城賊敗走霍集占

兄弟以兵來援自西門入城拒守二十三夜以四百人渡渭干河遁走舊伯克 **阿集以城降沙雅爾伯** **其界東至第納爾河** 接哈喇 **南至烏恰特河** 接沙雅爾 **克瑪哈默亦相繼獻城**

西至烏恰特河

接賽納木烏恰特河即渭干河亦名鄂根河

北至額什克巴什山

接伊犁皆其

屬也

東西九百八十里南北五百五十里

西至阿克蘇道治所六百

十里其地古

為佛國故多佛蹟

城東北二十里有小佛洞六十里蘇巴什有大佛洞皆鑿穴繪佛像城南托和拉且達坡之西南俯瞰渭干河有千佛洞人稱

丁谷山山之上下前後鑿洞四五百皆以五彩金粉繪西番佛像其莊嚴最高一洞三楹壁鑿白衣大十像及漢楷輪迴經一部餘皆番字按唐西域記屈支國東西千餘里南北六百

里大都城周十七八里伽藍百餘所僧徒五千餘城北四十餘里接山阿隔河有二伽藍同名昭怙釐佛像裝飾殆越人工東昭怙釐佛堂中有玉石面廣二尺餘色帶黃白狀如海蛤

其上有佛足履之迹長尺有八寸廣八寸餘每遇齋日照燭光明西門外路左右各有立佛像高九十餘尺於此像前建五年一大會處每歲秋分數十日間舉國僧徒皆來會集上自

君王下至士庶損廢俗務奉持齋戒受經聽法竭日忘疲諸僧伽藍莊嚴佛像瑩以珍寶飾之錦綺載諸輦輿謂之行像動以數千雲集會所西北渡河至阿奢理貳伽藍庭宇顯敞佛

像工飾當日象教之盛於此可見今其遺址獨丁谷數處餘皆湮矣其回莊之大者曰托和鼎

城東六十里乾隆二十三年大兵討逆回波羅泥都霍集占進圍庫車以托和鼎西南有地名托木落克通賽喇木拜

兩城為逆回援兵要路乃增兵進禦賊休溝升阜列陳未安我兵競進自午迄未殲之無一

脫者有御 曰阿巴特 城東二百里 曰哈喇爾薩爾 城南四十里 曰常格 城西南七十

里 曰特勒伯 城東南一百里 曰奇里什 城東北六十里其正北為天山正幹又西北名沙爾達朗 曰羸

城西南七十 曰庫克體賽 城西南二十五里 曰特集克 城西南一百里

東二百里為庫車最東境西瀕奇里什郭勒即唐西夷僻守捉地曰托和鼎城東六十里村落比連烟戶稠密曰常格城南七十里曰哈喇阿薩爾城南四十里曰裕赤哈喇城東南二

十里一統志無曰阿勒玉蘇布城東南三十里一統志無曰羸和城西南七十里一統志無和字曰達烏圖城西南四十里一統志無曰庫克體賽城西南二十五里一統志作庫克體

賽曰哈色納斯城西南十五里一統志無曰特勒伯城西南一百里不通路徑曰額什克巴什城東南九十里在天山南麓一統志無曰特集克城西南一百里傍烏恰特達里雅曰奇

里什城東北六十里 新疆識略庫車屬莊九十六正東六曰薩克薩克城東五里曰薩依

巴克城東三里曰密拉克哩牙城東十里曰喀喇墩城東十五里曰碩克爾城東四十里正

西十三曰派蘇巴特城西四十里曰牙哈博什克勒木城西五十里曰阿拉爾歸城西六十

里曰伊帕爾巴克城西五十五里曰亮噶爾城西六十里曰霍卓土拉斯城西六十里曰博什克勒木城西六十里曰胡木十喇城西六十里曰札依城西七十五里曰塔什里克城西

八十里曰英阿瓦特城西八十五里曰霍什里克城西八十里曰玉爾都斯巴克城西九十

里正南六曰愛里素布城南五十里曰脫庫斯汗滿城南六十里曰柯柯提堪城南四十里

曰大河拉城南十里曰推孤兒滿巴什城南五里曰墩賣里牙城南三里正北一曰沙滿巴

什城北五里東北一曰柯柯弓把城東北三里曰喀喀齊城東北八里曰依西河拉城東

北十里曰比架克城東北十里曰別列業哩葉克城東北十五里曰胡木里克城東北十五

里曰麻柵團城東北十五里曰皮耶城東北十五里曰明賣里牙木阿塔城東北二十里  
曰客里什城東北六十里曰碩勒巴克城東北五里東南二十里曰哈喇愛里克城東南五里  
曰阿拉爾巴克城東南五里曰霍卓土拉城東南六里曰喀喇布喀城東南八里曰安沁城  
東南十里曰烏恰爾城東南十里曰塔巴城東南十五里曰薩罕灰城東南二十里曰阿克  
塔齊城東南二十里曰塔克齊城東南三十里曰魯魯爾城東南三十里曰博什塘城東南  
三十五里曰烏遵城東南四十里曰寅合東南四十里曰布哈齊城東南四十里曰英額土拉  
城東南四十里曰烏曲哈拉城東南四十五里曰扣肩什城東南五十里曰瑪爾城東南  
一百里曰哈納哈爾城東南四十里西南三十一里曰庫圖魯克額達城西南二里曰土庫  
齊城西南四十里曰都瓦特愛克城西南五十里曰喀拉蘇城西南五十五里曰沙和土拉  
城西南六十里曰輝霍拉克城西南七十里曰伊奇愛里克城西南八十里曰托克蘇城西  
南一百里曰哈納葛城西南九十里曰提根城西南一百一十里曰陽阿哩克城西南百二  
十里曰排仔斯城西南百一十里曰玉舒克城西南百一十里曰秋格依博斯灘城西南七  
十五里曰刻塔特城西南八十里曰哈拉薩爾城西南八十五里曰仔霍爾齊城西南七十  
里曰且和爾拉城西南八十里曰布彥圖城西南八十里曰托霍拉城西南七十里曰音齊  
克愛里克城西南五十五里曰洋得爾滿城西南七十五里曰特忒爾齊城西南七十里曰  
羌格城西南六十五里曰布素特城西南五十五里曰霍爾納斯城西南六十里曰英格土  
喇城西南五十里曰阿克土喇城西南四十里曰克斯納阿薩爾城西南 百里曰比什巴  
克城西南三十里曰朵托城西南二十五里在托和蘇軍台正南者二曰塔罕沙台南十里  
曰塔克瑪克台南十五里台正西者二曰阿拉布韻台西二十里曰玉曲子滿台西十五里  
台東南者一曰瑪維爾台東南二十里台西南者四曰賽汗歲瓦提台山南二十里曰喀朗

新疆建置志卷三

十三

海棠館

圭台西南二十里曰石牛頭台西

地廣而人庶

按唐西域記屈支俗牛子以木

俗

尚音樂五日七均

按隋書音樂志沛公鄭譯云周武帝時有龜茲人曰蘇祇婆善  
胡琵琶聽其所奏一均之中間有七聲因而問之答云父在西

域稱爲知音代相傳習調有七種以其七調勘校七聲冥若合符一曰娑隨力華言平聲即  
宮聲也二曰雞識華言長聲即南宮聲也三曰沙識華言質直聲即角聲也四曰沙侯加濫  
華言應聲即變徵聲也五曰沙臘華言應和聲即徵聲也六曰般瞻華言五聲即羽聲也七  
曰俟利籊華言斛牛聲即變宮聲也譯因習而彈之始有七聲之正然而就此七調又有五  
旦之名旦作七調以華言譯之旦者則謂均也其聲亦應黃鐘太簇林鐘南呂姑洗五均已  
外七律更無調聲譯遂因其所捨琵琶絃柱相引爲均推演其聲更立七均合成十二以應  
十二律律有七音音立一調故成七調十二律合二十四調旋轉相交盡皆和合遼史樂志  
四旦二十八調不用黍律以琵琶絃叶之皆從濁至清迭更其聲下益濁上益清蓋出九部  
樂之龜茲部云宋史樂志唐貞觀增隋九部爲十部十部  
者燕樂清樂西涼天竺高麗龜茲安國疏勒高昌康國也 繁聲促節少舒遲廣

大之響而婦女飾姿容善爲朗雜裾垂髻

冠用金絲絨綴以百寶一  
幅直千金被服奢麗非中

目窈心與觀者惑之猶有龜茲之遺風焉  
有大宴會必召集纏  
婦數十人來爲朗纏

塵市八柵之盛一如溫宿而牛馬羊革  
人呼婦曰姨哥故有高昌蒲桃  
哈密瓜庫車映哥一枝花之謠

歲輸英俄多至十數萬斤

鄉土志光緒二十三年俄羅斯運出之數牛皮七千九百斤馬皮一千四百斤老羊皮五萬九千斤羔羊

皮五千四百斤英吉利運出羊皮九萬七千斤

百穀果蔬甲於各城而梨為最

大唐西域記屈支多梨奈桃杏一統志庫

車產蒲萄瓜而無梨

紫銅礪砂出北山

鄉土志銅產城東北北山質頗佳不甚旺歷經開採歲得數十萬斤不等礪砂產北山培壘多石銅之處

質最旺合雷局用惟無多耳太平

多善馬相傳為龍種云

唐西域記屈支東境城北天祠前有大龍

池諸龍易形交合牝馬遂生龍駒龍駒之子方乃馴駕故此國出善馬近代有王號曰金花政教明察感龍馭乘王欲終沒鞭觸其耳因即潛隱以至於今城中無井取汲池水龍變為人與諸婦會生子驍勇走及奔馬如是漸染人皆龍種恃力作威不恭王命王乃引構突厥殺此城人少長俱戮略無噍類今荒蕪人煙斷絕太平寰宇記龜茲多良馬孔雀

其南為沙雅沙雅

北極高四十一度五分距京師偏西三十三度二十一分夏至晝長五十九刻十三分夜長三十六刻二分冬至晝

長三十六刻二分夜長五十九刻十三分正日景夏至長三尺一寸七分冬至長二丈一尺零二分春秋分長八尺七寸三分

故沙雅爾回莊

沙謂部長雅爾謂軫恤益昔有伯克軫恤其部落也

庫車南鄙也霍集占之亂

乾隆二十三年靖逆將軍

雅爾哈善破之於庫車追至沙雅爾之鄂根河復破其援賊

新疆建置志卷三

十四

海棠仙館

五千賊踰河遁沙雅爾伯克瑪哈默第遣子阿三和卓以城

降明年西域平設沙雅爾伯克

伯克凡十一等阿奇木伯克為總伯克其次曰伊什伯克密喇布伯克噶雜喇齊伯

克商伯克明伯克哈資伯克都管伯克管餞伯克皆治民事也

新疆開行省

光緒十一年

庫車駐同知罷伯克

以鄉約代之其後八年

二十九年

乃置縣其界東至托伊博羅多

南至塔里木河西至托木根庫勒北至烏恰特河皆其屬也

東西若干里南北若干里

有回莊六十四

沙雅爾原有回莊三十七後分撥庫車南二十三莊以益之合之為六十四莊

其大者

曰托伊博羅多

城東百二十里

曰塔木根庫勒

城四百四十里

曰塔里木

城南地寬腴宜耕殖

曰喀伊木阿塔

城東南四十里

曰查盤

城西南四十里通阿克蘇

曰葉勒阿里克

城西南七十里

曰布古斯孔郭爾郭

城西南二百二十里當入河羣源合流之地為漢姑蘇國境

曰庫克布葉

城西北四十里

東倚烏恰特河

曰哈爾噶齊

城西北五十里按西域圖志沙雅爾屬地八曰托伊博羅多城東一百二十里踰烏恰特達里雅而至東通哈喇沙爾界曰

塔里木城南臨大河曰塔木根庫勒城西一百四十里地多沙磧不可耕曰喀什木阿塔城東南四十里南臨大河不通路徑曰坡斯城東北三十里一統志無曰查盤城西南四里曰哈爾噶齊一名卡色瓦乞城西南五十里烏恰特達里雅南南通阿克蘇境曰庫克布葉城西北四十里有小城以上屬沙雅爾曰葉勒阿里克曰葉伊勒什一統志無曰布古斯孔郭爾郭以上三處係沙雅爾西南境外地一統志沙雅爾屬地九境外地在內而省去坡斯及葉伊勒什二處 新疆識略沙雅爾回城所屬回莊三十二回城正東九曰喀拉墩城東五里曰察爾達克城東十里曰朔爾塔木城東十五里曰雅爾博爾的城東三十里曰楚爾和沙爾城東四十里曰塔什克塔木城東十五里曰克爾達什城東十五里曰克牙瑪塔城東六十里曰三架爾帖密城東七十里回城正西七曰博斯城西五十里曰海色爾城西五十里曰阿克敏城西十五里曰賽里克塔爾城西十里曰哈拉噶齊城西四十五里曰阿爾提鄂爾達克城西三十五里曰博蘭城西五里回城正南三曰茂老拉城南十里曰胡木哈爾滿城南十里曰哈維克城南十五里回城正北三曰列康城北四十里曰排斯城北二十五里曰章噶爾愛里克城北一里回城東北二曰阿克麥里克城東北十里曰噶爾底爾城東北五十五里回城東南一曰察板城東南四十里回城西南二曰亮噶爾塔木城西南二十五里曰臧齊城西南二十里回城西北六曰胡布爾噶城西北五十五里曰惠和拉克城西北五十五里曰博斯灘城西北五十里曰科科布勻城西北四十里曰雅滿愛里克城西北二十五里曰葉格爾齊城西北二十里今昔地名多不相同云

生之小麥包穀尤盛牛羊蓋澤俄商歲取其毳以斤率之踰

新疆建置志卷三

十五

海棠仙館

### 四五十萬焉

#### 焉耆

北極高四十二度十七分距京師偏西二十八度三十七分夏至晝長六十刻六分夜長三十五刻九分冬至晝長三十五刻九分夜長六十刻六分

#### 故漢焉耆國

按唐西域記出高昌故地自近者始曰阿耆尼國舊曰焉耆東西六百餘南北

三尺四寸冬至長二丈二尺二寸二分春秋分長九尺零九分四百餘里國大都城周六七里四面據山道險易守衆流交錯引水爲田按焉耆之誤阿鳥又爲聲之轉屮爲語辭阿耆尼讀之則爲鳥者疑當日其國本名鳥耆自漢書訛鳥爲焉從遂以爲焉耆耳又晉法顯佛國記由鄯善十五日至傷鬱國傷鬱今焉耆傷鳥同聲字彝耆音之轉傷鬱卽鳥耆也大抵時異代殊分併不一鳥耆之誤豈止焉耆一國哉徐松又以焉耆北山爲焉 支山則更謬矣

#### 回語曰哈喇沙爾

古時危須尉犁山國烏壘渠

#### 漢時王理

#### 員渠城

員渠卽焉耆之轉

#### 在白山之南

西域傳焉耆去長安七千三百里去都護治所四百里南去尉犁百廿北與烏孫接東去交河

城九百里西去龜茲九百里皆沙磧

其國近海新莽建國中焉耆叛殺都護但欽

莽遣五威

將王駿出西域焉耆詐降殺駿收尉郭欽後至殺其老弱自後遂絕

後漢永平末與龜茲共攻沒都護陳

陸約尉犁危須共拒漢永元時班超發諸國兵討之斬其王

廣而立其左侯元孟

尉犁危須山國皆更立王

延光初西域復叛班勇討定

諸國惟元孟與尉犁危須不降勇進兵至其境

順帝永建二年

元孟懼

遣子入貢其後諸國并於龍氏統名焉耆晉太康中王龍安

遣子入侍及子會嗣立滅龜茲據其國而遣子熙王焉耆遂

霸西戎

初安夫人嫗十有二月剖脅生子曰會立為世子少而驍勇女病篤謂會曰我嘗為龜茲王白山所辱汝能雪之乃吾子也及是乃襲滅白山有其地葱嶺以

東皆率服

後張駿遣沙州刺史楊宣彊理西域以張植為前鋒熙

率衆要之於遮留谷植將至或曰漢祖畏於柏人岑彭死於

彭土今谷名遮留殆將有伏單騎嘗之果有伏發植擊敗之

進據尉犁熙降於宣太元中

七年

苻堅遣呂光征西域其王泥

流率傍國降其後呂光據涼又臣於光魏太武時

太平真君七年

王龍

尸畢鳩恃險殺魏使詔萬度歸討之

破方回尉犁二城進軍向員渠尸畢鳩車潰走山中諸戎皆降尸畢鳩走

龜茲度歸鎮撫其衆置焉耆倉焉其後車師王申夷落為沮渠安周所逐寄居東境遣使乞援詔發焉耆倉以給之

太和中為厭達所破

後復立周武帝時

保定四年

其王來獻名馬隋大業中王龍突騎

支來貢唐貞觀初

六年

遣使來貢

其邊而去又與處月處密掠其五城及侯君集破高昌乃還其城

後與西突厥婚不復朝貢十元初以其

地為焉耆都督府初突騎施叛其弟粟婆準等來降言狀詔

郭孝恪討之執突騎支以粟婆準攝國事其九薛婆阿那支

自立執粟婆準獻龜茲殺之阿史那社爾討龜茲擒之而立

突騎支弟婆伽利為王婆伽利死凶人請還突騎支高宗許

之歸國死子懶突立死吐弗延立是時十姓可汗請居碎葉



碎葉說  
見前

詔以焉耆備四鎮各征賈食其入大歷後突騎施破滅

開成中有雁特勒者據焉耆城稱葉護

元史譯文證補突厥回紇傳云散居西土者惟突厥舊部為多

開成中回紇為黠戛斯破殘其相駮職擁外甥雁特勒等一十五部西降葛邏祿一支投吐番一支投安西其近可汗牙十三部南來附唐會昌中三萬眾降於幽州三部降於振武而烏介可汗部眾十萬大中年間漂流飢餓祇存三千其後復為黠戛斯掠歸塞北安西雁特勒居於甘州無復昔時之盛云云據此則雁特勒為葉護尚在文宗開成中其後懼黠戛斯乃東徙安西甘州耳

後乃通稱回鶻不復號焉耆矣宋宣和後地入西遼

西遼亡屬乃蠻至元為別失八里東境當世祖朝外禦海都

內防阿魯忽此地常為重鎮及海都平乃專屬阿只吉明洪

武中

二十三年

遣使送撒馬兒罕商人道經其國其酋黑的兒火

者遣使貢馬表尚稱王蓋即其後也自黑的兒火四傳至歪

思西徙號亦力八力

明史永樂初黑的兒火死子沙迷查干嗣連年入貢六年死弟馬哈麻嗣賜以幣九年來朝十三年死子納黑失只罕嗣

新疆建置志卷三

十七

海棠仙館

十六年為從弟歪思所殺徙其部而西逐水草畜牧改國號曰亦力八力一統志改作伊勒巴拉自宣德至成化朝貢不絕

然非其故地其故

地已入回部清興準部噶爾丹襲據之乾隆中準部平其地

內屬初康熙中噶爾丹始盛數侵暴回部回戶多逃亡者雍

正中小策凌敦多卜據海都河西

別為沙拉斯瑪呼斯二部

并奪庫爾勒地

於是庫爾勒伯克托克托挈眾內附而噶爾丹策凌

策妄阿刺布坦之子

綽羅斯第十七世汗

移其部哈喇沙爾自是又為準部乾隆朝準部平

二十三年

始建城及參贊雅爾哈善請開渠屯田時舊部已無子遺乃

徙多倫回眾田哈喇沙爾多倫一作惰蘭為霍集占養鵬者

也乃以侍郎永貴理屯務而令伯克蘇賚滿通玉古爾庫爾

勒等處渠以溉田於是海都以南悉成沃壤回民以饒開省

後置哈喇沙爾廳尋升為府其界東至舊房川與吐魯番屬之庫木什接南至

南山與新平接城南十六里即西至乾溝與輪台屬之野雲溝接北至北山與昌吉接來

里即蒙古牧地數百里方接昌綏海都皆其屬也東西七百餘里南北三百餘里

道治所 百 十里統回莊八東曰清水河城東九曰曲惠城

百三十五里西域圖志作楚輝在烏沙克塔勒西五十里察罕通格西南七十里有城垣西

距哈喇沙爾城一百二十五里與鄉土志微異按西域圖志引魏書焉耆傳成周公萬度歸

入焉耆東界擊其邊守左回尉犁二城拔之進軍向員渠以為左回與楚輝字音相近又在

哈喇沙爾東應屬當時東界邊守之城又引唐書地理志張三城西南一百四十五里經新

城館更以今之烏沙克塔勒即唐張三城推之則楚輝應屬新城然唐志兩城相去一百四

十五里今兩城相距五十里則亦非常時舊址也訊鮮錄作一百八十里為古危須國也

曰烏沙克塔 城東一百七十里西域圖志作烏沙克塔勒在哈喇沙爾城二百五十

里又引唐書地理志經盤石百里有張三城守捉謂烏沙克塔勒東之

額格爾齊塔克為唐地理志所載之盤石由是西行得烏

沙克塔勒之廢城應所謂張三城者也唐置守捉於此

西曰四十里城 城西四

曰紫泥泉 城西七十里西域圖志作哈阿瑞東北距哈喇沙爾城九十里當為尉犁國

地海都郭勒遠其南又謂漢書焉耆西南至都護治所四百里尉犁西至都

護治所三百里是尉犁為焉耆西南百里國可知也云焉耆南至尉犁百里者或傳寫之訛

夫焉耆正南海水瀾漫海北既無空國之地若在海南何止百里况班超討焉耆自西而來

先至尉犁界焉耆王廣絕葦橋以拒漢軍超更從他道厲渡觀此則尉犁至焉耆中有水道

隔絕明甚今哈喇噶阿瑞在哈喇沙爾西南九十里中隔海都郭勒當年形勢猶有存者此

則當屬尉 曰庫爾勒 城西一百四十里西域圖志作庫隴勒東北距哈喇沙爾城一百

犁故城也 西流山麓瀕河處右山左河徑極險峻古焉耆以西諸國關隘也山南海都郭勒遠而

瑪南濱羅布淖爾又引唐書西域傳云西南二百里度小山經大河二又步七百餘至龜茲

西至乾溝

皆其屬也

曰曲惠

曰烏沙克塔

曰紫泥泉

曰庫爾勒

曰庫爾楚

曰上戶地

吉草可

以為箸

云去哈喇沙爾城三百五十里

植為前鋒所向風靡軍次烏耆

於遮留谷植將至或曰谷名遮

地理志自焉耆西五十里過鐵

鐵門關今庫隴勒為古焉耆西

遮留谷東至鐵門十餘里唐書

宣部將張植由鐵門遮留谷而

之城是時疆理西域還攻焉耆

之西境入是以先據尉犁而鐵

門遮留谷之在今哈喇

沙爾城

沙爾城

沙爾西境並無疑矣一統志沙山在哈喇沙爾南博斯騰淖爾之南百餘里山脈自額格爾齊山踰沙磧至此岡巒互互盤繞不絕為哈喇沙爾南屏與庫隴諸山連接漢書所謂山國晉書所謂遮留谷皆即其處西域圖志哈喇沙爾屬地十五曰烏沙克塔勒在哈喇沙爾城東二百十五里察罕通格在烏沙克塔勒西哈喇沙爾城東北一百九十五里有廢城城西有泉委折而南經烏沙克塔勒東分渠溉田曰楚輝即北魏左回城在烏沙克塔勒西五十里察罕通格西南七十里哈喇沙爾城東一百二十五里有城垣曰塔噶齊在楚輝西三十里踰小河一道至其地曰特伯勒古在塔噶爾齊西十五里踰奇爾歸圖郭勒至其地有小城以上皆在哈喇沙爾城東漢之危須國當在此間曰碩爾楚克哈喇沙爾城西南四十里有水草可駐牧曰博爾海在碩爾楚克西南二十里哈喇沙爾城西南六十里曰哈勒噶阿瑞在碩爾楚克南五十里哈喇沙爾城西南九十里在古當為尉犁國地曰庫隴勒在哈勒噶阿瑞西南七十里哈喇沙爾城西南一百八十里曰車爾楚在庫隴勒西一百七十里哈喇沙爾城西南三百里曰策特爾在車爾楚西一百四十里哈喇沙爾城西南四百九十里踰額什墨郭勒至其地饒水草為漢烏壘城都護治所今改屬輪台縣鄉土志作策達雅轄回莊一其南瀕大河為漢渠犁國地曰英噶沙爾在策特爾西七十里哈喇沙爾城西南五百六十里舊有城今屬輪台縣曰玉古爾一曰布古爾在英噶沙爾西一百二十里哈喇沙爾城西南六百八十里踰伊蘭布拉克至其地有城垣當孔道古輪台也今為輪台縣由是西接庫車界曰鄂頰爾在英噶沙爾北三十里哈喇沙爾城西五百九十里今屬輪台一統志哈喇沙爾屬地十二無塔噶爾奇庫隴鄂頰爾三處餘同西域圖志新疆議略所屬布古爾庫爾勒二回城

### 自晉以來焉耆為佛國庇特勒以後始有回教

按晉法顯

新疆建置志卷三

十九

海棠仙館

佛國記傷鼻國有僧四千餘人皆小乘學辨機大唐西域記阿耆尼國伽藍十餘所僧徒二百餘人習學小乘教說戒行律儀潔清勤勵是唐時已不如晉時之盛大歷以後回鶻居之佛教漸衰及龜茲為焉耆所并亦習其教故又稱曰龜茲回鶻自此以後佛教與回教并行迨明季瑪木特玉素自默德那遷居居喀什噶爾稱為聖裔適額特色方強盡徙元裔回部舊汗於天山之北於是各城始有回會回教益盛佛教遂替通典焉耆俗事天神則又其俗非其教矣元史譯文證補突厥回紇傳云土爾其使臣自謂是突而屈今本國猶藏古書謂有三千人入中國為兵餘衆輾轉西徙後值賽爾朱吉特建國授地以居遂入謨罕麥德教迨蒙古西來避而之黑海南境其西徙之時在千載前蓋唐代也按前云十三部入唐此云三千人多寡不同要之為突厥入中國之確證其奉回教亦當在此時今蒲犁之塔吉克人亦即突而克之轉突而克即突厥也譯文證補曰西人呼突厥曰突而克 其俗

好爭訟尚氣攻軋碻碻難化然勸稼穡習工藝氍毹罽布之

美內地不能埒

按太平寰宇記焉耆俗丈夫剪髮婦人衣襦着大袴事天神土田良沃穀有稻米菽麥畜有駝馬牛羊養蠶不以為絲惟取綿纈尚

蒲萄酒兼愛音樂與今異

白彥虎之亂

光緒元年

關內回被脅流離轉徙於此者約

數百戶是為漢回而湟回劉四伏西奔官軍首尾夾擊逋竄於新平蒲昌之間先後就撫者亦數千人蒲昌地沈斥乃受

田海都河之南是謂撫回 亦漢回海都河 南岸有撫回莊 其人狡而惰陸梁然新

創少弱矣其俗事天有焉者之風寢兵後喫豢生息漸臻富

庶 鄉土志漢回多至四千七百餘人纏回一萬三千二百餘人墾田至十九萬四千六百餘畝鄉土志舊報墾者烏沙克塔蒙墾種者五六戶漢農二十餘戶回農四百三十餘戶纏農一千四百餘戶共墾上田一萬八千三畝八分中田十一萬一千三百七畝四分七釐下田五萬八千五百八十八畝三分四釐新墾上田一百三十二畝中田一萬四千八百六十三畝七分六釐上田科糧四升中田三升下田一升 額徵糧五千四百二十五石六斗七升三合二勺

而土爾扈特牧裕勒都斯

裕勒都斯者焉者西北山也盤盪千餘里其處綿曠薦草多

衍宜畜牧自蒙部納款後旃帳雲屯四擾蔽谷稱極盛焉 爾土

屬特自渥巴錫歷傳至今汗名布彥蒙庫屬貝勒輔國公兩札薩克五十四蘇木和碩特自貝勒恭格歷傳至今貝子名桑吉甲普屬左右旗兩札薩克台吉十一蘇木其牧界東南至府城西北至納喇特山東北至迪化 南山西南至溫宿庫車詳見藩部

其人八十餘 奉黃教者一千一百餘人奉紅教者百八餘人 露居剽

掠回民常苦之而性嗜酒馬湏 蒙語名氣可 牛酥 蒙語名阿利占 宿釀甚富

新疆建置志卷二

二十一

海棠仙館

府治當裕勒都斯東南踞四山之中南有博斯騰淖爾西有

海都河是生捨狽獐麋鹿狝羊鳧鷺鷺鳴之屬而海都河多

魚大者至百餘斤小者數十斤古稱焉者近海水多魚而山

海經敦薨之山敦薨之水出焉其中多赤鮭其謂是乎新平

在其西南新平 緯線自七十六度起至八十八度止經線自京師偏西三十六度起至四十四度止 漢尉犁國地南

與鄰善且末隔河相接 鄉土志以為漢且末國誤按漢書西域傳云且末西北可三日行小宛西北至都護治所二千五百五十八里東接婁羌南不當道西域圖志一統志皆云今輪台縣東之策特爾為古烏壘城即都護治所新平在策爾特西相去僅二百餘里方向道里大相懸絕安得以且末當之又云渠犁東南與且末接尉犁南與且末接徐補注曰且末北界且末河與尉犁以河為界即今塔里木河尉犁為今焉者府屬之哈喇噶阿瑞渠犁在今額爾勾河北岸兩地相距不遠而皆在河北且末邊鄙雖廣安能踰河而兼之又水經注曰南河又東經且末國北則其國在塔里木河南可知而魏書亦云且末西北方流沙數百里夏日有熱風為行旅患風至唯老駝預知之即鳴而聚立埋其口鼻於沙中入亦以是為候今新平西北即庫爾勒城又為南疆孔道所謂數百里沙流者安在乎以今道

可三日行小宛西北至都護治所二千五百五十八里東接婁羌南不當道西域圖志一統志皆云今輪台縣東之策特爾為古烏壘城即都護治所新平在策爾特西相去僅二百餘里方向道里大相懸絕安得以且末當之又云渠犁東南與且末接尉犁南與且末接徐補注曰且末北界且末河與尉犁以河為界即今塔里木河尉犁為今焉者府屬之哈喇噶阿瑞渠犁在今額爾勾河北岸兩地相距不遠而皆在河北且末邊鄙雖廣安能踰河而兼之又水經注曰南河又東經且末國北則其國在塔里木河南可知而魏書亦云且末西北方流沙數百里夏日有熱風為行旅患風至唯老駝預知之即鳴而聚立埋其口鼻於沙中入亦以是為候今新平西北即庫爾勒城又為南疆孔道所謂數百里沙流者安在乎以今道

里考之且末國都當在今阿喇騰塔里嶺西南托古茲達坂東北和闐極東境所屬毛拉布拉克之東南也今新平在哈喇噶爾瑪南百餘里證以西至都護治所二百里之語當屬尉犁國地無疑也 三國後并於焉耆塔里木河經其南 光緒二十五年置為縣 野處無

城郭東至塔羌 八百餘里 西至庫爾勒 八十 西南至庫車輪台 九百

東南至沙山 九十 皆其屬也 東西千里南 有莊二十曰克宜爾 城西

北八百里 曰窮可力曰河拉曰上特一斯曰下特一斯曰克拉曰英

格可力曰烏魯可力曰古斯拉克曰蒲昌 以上各莊皆在城東五百餘里 曰鐵干

里克大小五莊 城東北五百餘里 其東湖灘五莊曰滿加曰拉曰立曰

沙羅達曰喀哈兔曰蘇及克 皆在城西南六百餘里 其地復曠沈斥饒赤

柳活同沙棗草多集芟葭茨而縣治喀喇工有官廨數椽無

城郭後徙居茂林園 鄉土志園為遊擊黃桂芳知縣劉國祉所建衙署既圯縣令始移居之園外有小渠一道架木橋橋南夾道植楊柳現亦

新疆建置志卷三 二十一 海棠仙館

拱把其民皆纏回無他族男務耕牧 光緒十六年招墾熟地凡七十八頃五十八畝三分 婦女秉

機杼牛羊之毳以為氍毹毼毼而疏陋不華又所出紗故良

賈皆舍之地礲民寡仰穀旁縣回衆皆星居相距或數百里

而長林豐草多毛虫獵者得其皮以鬻俗好遊男女皆韃馬

駮驟謂之趕八柵得麥數斛則一妻一妾洒如也其西

四百里為輪台 北極高四十一度四十四分距京師偏西三十一度六分夏至晝長六十刻二分夜長三十五刻十二分冬至晝長三十三刻十二分夜長六十一刻二分 漢輪台地也一曰俞

頭 史記作俞頭錢氏大昕曰台頭聲相近 漢武帝時貳師將軍伐大宛西域震懼多

遣使來貢獻於是自敦煌西至鹽澤往往起亭而輪台渠犁

皆有田卒數百人 漢西域圖考由庫爾勒至玉古爾則輪台屯田處也 置使者校尉領護以給

使外國者其後桑宏羊言

征和四年

輪台東有溉田五千頃以上

可遣屯田卒置校尉募民壯健敢徙者詣田所墾田築亭以

威西國帝弗許

漢紀桑宏羊請復屯田輪台東武帝乃下詔深陳既往之悔曰前有司奏欲益民賦三十助邊用是重困老弱孤獨也今又請遣卒田輪

台輪台西於車師千餘里前擊車師雖降其王以遼遠乏食道死者尚數千人况益西乎匈奴常言漢極大然不耐飢渴失一狼走千羊乃者貳師敗軍士死略離散悲痛常在朕心今又請遠田輪台欲起亭隧是擾勞天下非所以優民也朕不忍聞當今務在繁禁苛暴止擅賦力本農修馬復令以補缺毋乏武備而已昭帝時以扞彌

太子賴丹為校尉屯田輪台為龜茲所殺其後乃不復屯宣

帝時鄭吉由車師還屯渠犂旋為西域都護蓋既破車師降

匈奴日逐王遂并護車師西北是輪台亦為鄭吉所領晉安

帝時僧法顯遊天竺由敦煌經鄯善紆道烏犂

即今之焉耆府

乃至于

闐輪台為必經之路特非漢時過且末精絕故道耳伽藍記

載宋雲至鄯善其城立王為吐谷渾輪台在鄯善東北是元

魏之世又為吐谷渾所併也隋開皇中西域諸國役屬西突

厥高宗顯慶中徙安西都護於龜茲統于闐疏勒碎葉

即焉耆鎮屬

號為四鎮輪台在龜茲碎葉間是又在四鎮之內儀鳳中吐

番陷四鎮則輪台又屬吐番代宗大厯後龐特勒居焉耆城

稱葉護後乃通稱回鶻是輪台又為回鶻宋南渡屬西遼西

遼亡屬乃蠻至元迄明為別失八里東境清康熙中并於準

部史稱準噶爾攻取回子千餘城是其地亦在內也乾隆朝

二十內屬

初設阿奇木伯克等統於喀喇沙爾辦事大臣其後南疆大定設布告爾巡檢後升為縣析府屬之野雲溝策達雅洋薩爾城隸之

東至新

平西至恰陽英奇蓋兩河北至大山東北至焉耆府西至庫

**車州皆其屬也**東西南北里分爲四站曰布告爾轉回莊九十一新疆識略布告爾舊有回子二

千餘戶兵燹後逃亡殆盡後徙多倫回數百戶實之其地蒲灘蘆蕩綿渺無際爲西人回地之咽喉漢書所謂葦橋之險卽在於此

**策達雅**轉回莊古烏壘地西域圖志曰烏壘爲前漢都護治所漢書謂在焉耆西南四百里尉犁西三百里今自哈勒噶阿瑞至庫隴勒爲尉犁國地則自庫隴勒

西至策特爾三百里爲烏壘之地無疑後漢龜茲爲莎車所滅分其地爲烏壘國卽此城也唐爲河西之烏壘州謂之河西者地屬海都郭勒西境烏壘爲河西最東之州也自策特爾

南行瀕額爾古郭勒爲漢渠犁國地按額爾古郭勒卽今塔里木河

**日野雲溝**轉回莊一地多沙鹵有魚鹽魚爲常產

鹽出北山凝結成

**水草豐茂蕃畜牧而羊爲夥**穀則小麥包穀果則

**蒲桃杏林檎若白氈皆常產也**西賈庫車阿克蘇東北賈焉

**耆**鄉土志羊銷阿克蘇每年四千餘頭羊毛由俄商運庫車轉售每年六萬餘斤羊皮銷庫車每年五千餘張棉花銷省城庫等處每年二萬餘斤稀稀布銷焉耆每年一萬餘

正棉紗花毯銷焉耆

庫車每年五百餘斤

**其俗篤宗教僕遊僊固故農工之業無所進**

**布衣革躡以牧習窳守拙而不知變易其東南一千二百里**

**爲婁羌婁羌漢婁羌國地**按婁羌無城郭不在三十六國之內漢書西域傳出陽關自近者始曰婁羌婁羌國王號去胡來王去陽

關千八百里去長安六千三百里僻在西南不當孔道隨畜逐水草不田作仰鄯善且未穀西至鄯善乃當道云按今婁羌在蒲昌海南去蒲昌海不及百里設縣之先名其地爲羅布

淖爾地勢遼闊當白逆敗奔時其地爲窟回淵藪其設縣之意在招撫叛回安插流亡耳以其地近古婁羌故以婁羌名之然漢書婁羌下不言近蒲昌海意古之婁羌當在南山支麓

之間故曰僻在西南不當孔道至鄯善乃當道云又于闐下云南與婁羌接于闐之西水皆西流注西海其東水東流注鹽澤河源出焉準以地望則婁羌當在于闐之南北去鹽澤尙遠故不及之于闐去鹽澤較近故於于闐特詳河源所自出耳然則今婁羌非古婁羌明矣

又太平寰宇記作葱嶺羌在敦煌西西域之南山中所居無常依隨水草地少五穀以畜牧爲業其俗民族無定或以父名母姓爲種妻後母納媵嫂如北狄之俗故國無繆寡種類繁熾廣志云羌與北狄同其人魯鈍饒妻妾多子姓一人生子數十或至百人嫁女得高資者聘至百犢女被大華氈以爲盛服一

狗皮值數十疋甚耐寒苦同之禽獸

**其後爲大國所并**後漢書有拘彌而無婁羌故知爲拘彌吞并也

**不見書傳清同治間南疆大亂回民避難者多雜集蒲昌海**

**左右流離轉徙死傷過半上乃命撫臣勞來安集之焚灌莽**

**起屋居執樹決渠資牛種磁基紆績組紉之具教以耕識行**

之十年民乃大殖

近有四百餘戶二千餘人始設卡克里克縣丞旋改置塔羌縣無城郭牙署官租民房而居

其界東通

敦煌南通西莊西毗于闐北連新平皆其屬也

東西里南北

有

莊十一曰夜密蘇

城東四十里

曰密遠

城西四十里

曰卡克里克

縣治

曰

特底朗

城西十餘里

曰阿不日曰起克里克曰羅布曰託素曰加益

曰托克

均在城西百數十里

曰凹石硤

城北一百八十里

其地沙鹵少田多胡桐檉

柳葭茨野麻其穀小麥包穀青裸其畜牛羊其人飽煖之外

無贏餘農隙則以樵以漁亦無服賈者其八柵一如各城而

不及其繁盛羅布淖爾北岸有莊二

城東北七十里

望之叢薄蔚然居

民五六十家

乾隆間尙五百戶

不耕牧而皆捕魚以爲食織野紵以爲

衣襲天鵝之毳以爲裘藉水禽之翼以爲毳毯操纏語而不

解諷經禮拜構木爲窩鋪中懸魚餒餒不可近而彼亦相戒

不得近他族近則必痘故有欲往觀者必漸與相習狎乃敢

入二莊之人互爲婚嫁亦不與他族通也有至庫爾勒者或

嚼之穀肉則設以庫爾勒多魚故時往就之他方則否禮王

制曰西方曰戎被髮衣皮有不粒食者其卽此類歟舊設五

品伯克一屬闢展大臣來謁則裹鮓爲糧